



Resolución de 6 de maio de 2016 relativa á convocatoria da Dirección Xeral de Centros e Recursos Humanos de 10 de decembro de 2015 da iniciativa denominada “VOLUNTARIADO DE LECTURA-A” incluída no Programa “Bibliotecas Escolares Solidarias”, destinado a centros de titularidade da consellería de Cultura, Educación e Ordenación Universitaria para o curso 2015/2016. Esta iniciativa realizase en colaboración coa Dirección Xeral de Xuventude, Participación e Voluntariado.

Con data 10 de decembro de 2015, a Dirección Xeral de Centros e Recursos Humanos fixo pública a convocatoria correspondente ao curso 2015/2016 do programa BIBLIOTECAS ESCOLARES SOLIDARIAS, no que se inclúe unha acción destinada a incentivar o voluntariado cultural relacionado coa lectura entre o alumnado de 5º e 6º de Primaria, denominada **VOLUNTARIADO DE LECTURA-A**. Trátase de recoñecer o traballo de colaboración que veñen desempeñando algúns alumnos e alumnas nas bibliotecas dos seus respectivos centros, ao participar de forma voluntaria en actividades de xestión e de dinamización da biblioteca e, á súa vez, favorecer á extensión dunha práctica que produce excelentes resultados en relación coa adquisición de hábitos de lectura, ao tempo que contribúe á formación de actitudes de solidariedade e de colaboración entre o alumnado.

Os centros podían participar nunha ou varias das modalidades contempladas na convocatoria:

1. Colaboración coa biblioteca escolar
2. *Ler con... D* (Lecturas compartidas dentro do centro)
3. *Ler con... F* (Lecturas compartidas fóra do centro)

Segundo o previsto na convocatoria, os centros interesados deberían inscribirse e presentar finalmente unha memoria de actividades que sería valorada e da que se seleccionarían un total de 50 alumnos e alumnas, procedentes de centros das catro provincias galegas, para participar nunhas xornadas de convivencia. Esta iniciativa foi integrada como actividade de voluntariado por parte da Dirección Xeral de Xuventude, Participación e Voluntariado.

Inscribíronse nesta iniciativa un total de 33 centros que desenvolveron as actividades previstas e, finalmente, remitiron a súa memoria correspondente no prazo previsto. O único centro representante este curso da provincia de Ourense presentou renuncia por escrito a participar nas devanditas xornadas de convivencia.

Constituíse a Comisión de Valoración prevista no apartado 4, punto 6 da convocatoria de 10 de decembro de 2015 e valoráronse as memorias recibidas. Para a valoración das actividades tivéreronse en conta os criterios contemplados no apartado 4, punto 7 da devandita convocatoria. De acordo coa proposta formulada por esta Comisión e de



conformidade cos puntos primeiro, segundo, terceiro, cuarto, quinto e séptimo do apartado 4 do texto de referencia,

RESOLVO:

Primeiro.: Seleccionar un centro por cada unha das provincias galegas co fin de que participen na xornada de convivencia prevista, tendo en conta a valoración acadada na revisión das memorias de actividades, segundo os criterios contemplados no apartado 4, punto 7 da convocatoria. Dado que a provincia de Ourense non ten representación, a comisión de valoración acordou seleccionar dous centros da provincia de Pontevedra por ser esta a que presenta maior porcentaxe de participación:

Centro	Concello	Provincia	Modalidades
CEIP P. Ricardo Tobío	Muros	A Coruña	1,2
CEIP Ramón Falcón	Castro de Rei	Lugo	1,2,3
CEIP de Leirado	Salvaterra de Miño	Pontevedra	1,2
CEIP P: Sobreira-Valadares	Vigo	Pontevedra	1,2,3

Segundo.: Cada un dos centros recollidos no cadro tomarán decisións que consideren oportunas para a selección dun grupo de 12 alumnos e alumnas de entre o alumnado que participou máis directamente como colaboradores na biblioteca e noutras actividades das distintas modalidades nas que participaron. No caso de que o grupo de voluntariado sexa menor, as prazas resultantes distribuiranse entre o resto dos centros.

Terceiro.: Desde a Subdirección Xeral de Centros (Asesoría de Bibliotecas Escolares) recibirán, na maior brevidade posible, toda a información detallada e as instrucións precisas para organizar a participación deste alumnado, xunto cun profesor ou profesora acompañante, nas Xornadas de Voluntariado de Lectura-A, que en colaboración coa Dirección Xeral de Xuventude, Participación e Voluntariado se está organizando, e que se celebrará entre os días 24 ao 27 de maio, no Centro Residencial Docente de A Coruña, tal e como está contemplado no apartado 4, punto 3 da convocatoria.

Nestas xornadas os participantes (alumnado e profesorado), asistirán a diversos obradoiros, nos que se incidirá nos valores do voluntariado, con carácter xeral, e nas posibilidades do voluntariado cultural, os xogos tradicionais, a narración oral, a lectura expresiva, o xogo dramático, a comunicación audiovisual, os traballos cooperativos e solidarios, entre outros. Completarase con visitas a unha biblioteca e a un museo científico, onde desenvolverán diversas actividades. As nenas e nenos participantes tamén terán ocasión de presentar as actividades de voluntariado de lectura que levaron a cabo durante o curso ao resto de asistentes.

Cuarto.: Como actividade integrada nos programas de voluntariado da Dirección Xeral de Xuventude, Participación e Voluntariado, todo o alumnado participante nas actividades recollidas nas memorias dos diferentes centros que participaron nesta iniciativa durante o curso 2015/2016, recibirá un diploma acreditativo.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA
Dirección Xeral de Centros
e Recursos Humanos

Edificio Administrativo San Caetano
15781 Santiago de Compostela

galicia

Quinto.: Esta Dirección Xeral elaborará un informe en relación cos diferentes tipos de actividades que se están a levar a cabo nas bibliotecas escolares que participaron nesta convocatoria, así como as valoracións do alumnado e profesorado participante na xornada de convivencia, para a súa difusión entre a comunidade educativa.

Santiago de Compostela, 6 de maio de 2016
O DIRECTOR XERAL DE CENTROS E RECURSOS HUMANOS


Jose Manuel Pinal Rodríguez

